

1. Ministarstvo za rad socijalnu politiku, raseljena lica i izbjeglice Kantona Sarajevo kojeg predstavlja ministar Malik Garibija
2. Kantonalno javno komunalno preduzeće “Vodovod i kanalizacija” d.o.o. Sarajevo kojeg predstavlja direktorica Azra Muzur, dipl.ing.građ.

i

3. Javna ustanova “Kantonalni centar za socijalni rad” koju predstavlja v.d. direktor Enes Šabić
dana 26-02-2019 u Sarajevu zaključili su

SPORAZUM O PLAĆANJU KOMUNALNIH USLUGA

I PREDMET SPORAZUMA

Član 1.

- (1) Predmet ovog sporazuma je regulisanje međusobnih prava i obaveza sporazumnih strana u pogledu plaćanja troškova usluga snabdijevanja pitkom vodom, odvođenja i prečišćavanja otpadnih voda (u daljem tekstu: komunalne usluge) za korisnike stalne novčane pomoći na području Kantona Sarajevo, a u skladu sa Odlukom o utvrđivanju novčanog dodatka na ime plaćanja komunalnih usluga (“Službene novine Kantona Sarajevo”, broj: 52/18) (u daljem tekstu: Odluka), te druga pitanja koja su predmet ovog sporazuma.
- (2) Ukupan mjesečni iznos na ime plaćanja troškova komunalnih usluga koje čine: usluge prikupljanja odvoženja i deponovanja komunalnog otpada i usluge snabdijevanja pitkom vodom i odvođenja otpadnih voda koji se uplaćuje komunalnim preduzećima, ne može preći 50,00 KM po korisniku.

II PRAVA I OBAVEZE

Član 2.

- (1) Pravo na plaćanje troškova komunalnih usluga imaju domaćinstva korisnika stalne novčane pomoći kojem je pravo na stalnu novčanu pomoć utvrđeno rješenjem Javne ustanove “Kantonalni centar za socijalni rad” (u daljem tekstu: Kantonalni centar).
- (2) Domaćinstva iz stava (1) ovog člana imaju pravo na plaćanje troškova komunalnih usluga pod uslovom da je jedan od članova domaćinstva zaključio ugovor o pružanju ovih usluga sa Kantonalnim javnim komunalnim preduzećem “Vodovod i kanalizacija” d.o.o. Sarajevo (u daljem tekstu: KJKP “Vodovod i kanalizacija”) ili posjeduje račun za plaćanje komunalne usluge.

Član 3.

- (1) Kantonalni centar će svakog mjeseca Komunalnom preduzeću “Vodovod i kanalizacija” dostaviti Tabelarni spisak korisnika stalne novčane pomoći sa članovima domaćinstva i njihovom adresom.
- (2) Komunalno preduzeće “Vodovod i kanalizacija” će na osnovu ovog Tabelarnog spiska, Kantonalnom Centru dostaviti dopunjen Tabelarni spisak, koji sadrži spisak domaćinstava koja ostvaruju pravo na plaćanje komunalnih usluga, sa pojedinačnim računom za plaćanje komunalne usluge za svakog korisnika.
- (3) Nakon što Kantonalni centar prema raspoloživim sredstvima, za svaki pojedinačni račun utvrdi iznos koji se može platiti, sačinice novi Tabelarni spisak korisnika iz člana 2. ovog sporazuma u kojem će utvrditi pojedinačni iznos plaćanja svakog domaćinstva, te ukupan iznos plaćanja. Ovaj Tabelarni spisak potpisuje direktor Kantonalnog centra i isti dostavlja Komunalnom preduzeću “Vodovod i kanalizacija”.
- (4) Komunalno preduzeće “Vodovod i kanalizacija” će na osnovu Tabelarnog spiska iz stava (3) ovog člana kojim je utvrđen ukupan iznos za plaćanje navedenih komunalnih usluga, dostaviti fakturu Kantonalnom centru. Dostavljenu fakturu ovjerenu i potpisanu od strane direktora Kantonalnog

centra, zajedno sa Tabelarnim spisikom iz stava (3) ovog člana Kantonalni centar dostavlja Ministarstvu na plaćanje.

(5) Kantonalni centar će svaki mjesec ažurirati Tabelarni spisak.

Član 4.

- (1) Ministarstvo se obavezuje da će u roku od 8 dana od dana dostavljanja fakture iz člana 3. Sporazuma, od strane Kantonalnog centra, izvršiti uplatu novčanih sredstava na račun KJKP "Vodovod i kanalizacija".
- (2) Ministarstvo će uplatu izvršiti na transakcijski račun KJKP "Vodovod i kanalizacija" broj: 3389002208274753 otvoren kod Uni Credit Bank d.d. ili broj: 1610000063850067 otvoren kod Raiffeisen Bank d.d..

Član 5.

KJKP "Vodovod i kanalizacija" se obavezuje da će nakon uplaćenih sredstava od strane Ministarstva, izvršiti rasknjiženje uplaćenih sredstava na kartice korisnika stalne novčane pomoći za usluge snabdijevanja pitkom vodom, odvođenja i prečišćavanja otpadnih voda.

III ZAVRŠNE ODREDBE

Član 6.

- (1) Sporazumne strane su saglasne da će sve eventualne sporove koji proisteknu iz ovog Sporazuma rješavati sporazumno.
- (2) Ukoliko ne bude moguće sporazumno rješavanje nastalih sporova, isti će biti riješeni putem nadležnog suda u Sarajevu.

Član 7.

Sporazum je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.

Član 8.

Sporazum stupa na snagu danom potpisivanja, a primjenjivat će se od prvog slijedećeg mjeseca nakon stupanja na snagu ovog Sporazuma.

KJKP "Vodovod i kanalizacija" d.o.o. Sarajevo

Javna ustanova "Kantonalni centar za socijalni rad"

 Direktor Azra Muzur, diplom. građ.

v.d. direktor, Enes Šabić


Broj: 

85/19

Broj:  35/X-11-071-35/19

Ministarstvo za rad, socijalnu politiku,
raseljena lica i izbjeglice Kantona Sarajevo

Ministar Malik Garibija


Broj: 13-04/2-14-4371/19